

suggestione : votum loquendo prodidere, domine A
sancte ac beatissime, specialis apud Dominum patrono
conversationis angelicæ et apostolicæ dignitatis.
Ego conscientia perurgente credideram etiam hoc
fuisse nimium quod potueras notare temerarium, ut
ad illam virtutum tam perspicuam claritatem quasi
illuminandus accederem, lucemque tam claram tene-
brarum mearum nube restringerem. Sed benigne de
his quæ scripseram sentiendo duplicatis audaciam
jussione, ut etiamnum illi parietes consecrati ver-

A suum meorum ferant lituras, qui ad remedium im-
becillitatis imbuimur. Versus per dominissimum meum
diaconum sicut præcepistis, emisi, quos pagina
in pariete reserata susciperet, etiam illis de vi-
sitatione Nepotuli mei memor tanti favoris adjectis,
quem charta inscripta virtutibus, et manu beatitudi-
nis vestræ subscripta sanaverat. Vestra præstabit
oratio ut credulitas crescat auxiliis, et quæ adipisci
cupimus, scribere quia permittimur, aedamus.

INCIPIT VERSUS PAULINI DE VISITATIONE NEPOTULI SUI.

• Quam modicam stillam quanto torrente rependis, B
Sancte Deus, licet ipsa hujus vel guttula roris
A te tam sterili data sit vel præstita cordi.
Non his obsequiis tam largum flumen egebat,
Et tenuis levibus foliis qui decidit humor
Tam profluo augmento faceret dum labitur amni
Cum magis ad ramos de rupi surgeret humor,
Dum virens fundit nebularum stamina gurges,
Contiguumque rapit sitiens vicinia frigus
Inque hæc gutta meas tetigit tam prodiga fauces,
Tangeris ut marmor solidi crystallæ fluenti.
Quantum hæc sola mihi ferret patientia donum
Ut nullam incideret felix audacia culpam.
Nunc vero his etiam duplicaret gratia signis
Ut nullo te fine canam, venerande sacerdos,
Non finitur opus quo susciter, addita crescut,
Quæ meminisse jubet virtus, dum proditur astat,
Tunc meas visus lacrymas, tu fletibus illis
Fers miseratus opem, te vitæ altissimus auctor
Exorante gravis cohibet lamenta senectæ.
Ipsa salus vitam revehit : dejecerat ægrum
Et pene exanimem morbi vis tanta nepotem,
Conjunctamque eidem nubendi lege puellam,
Ut vix jam tenui spirarent corpora flatu,
Nec posset solers tactus dependere venas
Subtracti pulsus filo languente latentes.
Me quoque submotum pietas arcebat ab omni
Officio : exosam vitabant lumina lucem,
Dum pœna est quodcunque vident. Spes una parentis
Cor tetigit juvenis, causam mandare patrono,
Indulti et toties proprii meminisse favoris.
Nuper contigerat perlectam evolvere chartam
Quæ tanti ad nosmet meriti pervenerat, index
Innumera ut miris fulgeret gratia signis,
Queis Dominus veri meritum testatus amici,
Ornabat sanctum per dona immensa sepulcrum.
Hæc signa antistes dextra signaverat alma
PERPETUUS, tanti gavisus laude magistri.
Hanc igitur chartam vix linguæ murmure parvo,
Incunctante fide spes non incerta poposcit.
Exanimi juveni vires fiducia fandi
Præstitit, et fessam laxavit gratia linguam.

Ergo inter medios quos febris moverat ignes
Virtutum palmas stomacho conjunxit anhelo,
Et rapuit recolendo fidem quæ scripsit in ipsis
Condita visceribus quidquid conclusa tegebat
Pagina, et ad votum velox medicina cucurrit.
Exiit jussus tanta ad miracula sudor,
Crevit et ad numerum tanti quoque muneris ordo
Ut scribendo fidem faciam quam scripta retentant :
Non tam pernici suspendunt succina saltu
Festucam feni vicini glute vaporis,
Quam citus ad chartam madefacti corporis humor
Mandato celebrante redit, sæpe vita revertens
Affectu quæsivit avum, quasi nuntia tanti
Muneris, et reliquis jussit me jungere signis
Quam præsentit opem, tali mandanda patrono est
C Causa rei, assistit propior clementia sanctis
Et culpæ offensam relevat tutela favoris.
Nec mora commoditas numerum prægressa dierum
Qua sæpe ignaros spes dinumerata fefellit
Auxiliis orantis adest, nec clauditur ullis
Gratia vera locis, nec vires terminus arctat,
Quas Deus accumulât, propter curatio tangit
Qua Salvator adest : tam longe abjuncta sepulcro
Cellula suscepit quod mens attentata poposcit,
Atque ipsa est ingressa locum, quo credita puocto.
Ille æger, lethumque pavens uxoris amatæ,
Fit medicus, suadetque fidem mittendo salutem,
Poscit et illa toris quidquid persenserat iste.
Est certamen opem retinere, et querere partam,
Hic possessa timet dimittere, illa probatis
D Se quoque salvari festinat credula signis,
Sique dure inque vices ambo orant, ambo retentant(sic),
Atque hærens uni pietas succurrit utrique.
Grates, sancte, tibi dum spiritus hos reget artus,
Mens et lingua canet, nunc respice cætera clemens
Membra domus, celeris revehens fomenta salutis,
Et tibi commissam propior solare senectam,
Optata indulgens propere, vel præstita servans.

DE ORANTIBUS.

Quisque solo acclinis mersisti in pulvere vultum :
Humidaque illæssæ pressisti lumina terræ.
Attollens oculos, trepido miracula visu
Concipe, et eximio causam committe patrono,

• Hi versus valde corrupti erant in vetere codice.

Nulla potest tantas complecti pagina laudes
 Quanquam ipsa his titulis cœmenta et saxa notentur.
 Terrenum non claudit opus quod regia cœli
 Suscipit, et rutilis inscribunt sidera gemmis,
 Martini si quæris opem trans astra resurgens
 Tange polum, angelicum scrutatus in æthere cœtum,
 Illuc conjunctum Domino perquire patronum
 Sectantem æterni semper vestigia Regis.
 Si dubitas, ingesta oculis miracula cerne
 Queis famuli meritum verus Salvator honorat.
 Accedes reliquis inter tot millia testis,

A Dum narranda vides, solers et visa retexis.
 In sanctis quidquid signavit pagina libris
 Instaurat renovante Deo, quo munere gaudent
 Cæcus, claudus, inops, furiosus, anxius, æger,
 Debilis, oppressus, captivus, mœstus, egenus.
 Omnis apostolicis gaudet curatio signis.
 Qui flens adfuerit, lætus redit, omnia cedunt
 Nubila, quod meritum turbat medicina serenat.
 Expete præsidium, non frustra hæc limina pulsas.
 In cunctum perget pietas tam prodiga mundum.

EXEUNTE SÆCULO QUINTO.

AMCENUS.

ENCHIRIDION VETERIS ET NOVI TESTAMENTI.

DE VETERE TESTAMENTO.

ADAM ET EVA.

Eva columba fuit tum candida, nigra deinde
 Facta, per anguinum male suada fraude venenum
 Tinxit et innocuum maculis sordentibus Adam.
 Dat nudis ficulna draco mox tegmina victor.

ABEL ET CAIN.

Fratrum sacra Deus nutu distante duorum
 Æstimat accipiens viva, et terrena refutans :
 Rusticus invidia pastorem sternit; in Abel
 Forma animæ exprimitur, caro nostra in munere
 [Cain.

ARCA NOE.

Nuntia diluvii jam decrepantis ad arcam
 Ore columba refert ramum viridantis olivæ :
 Corvus enim ingluvie per fœda cadavera captus
 Hæserat, illa datæ revehit nova gaudia pacis.

ILEX MAMBRÆ.

Hospitium hoc Domini est, ilex ubi frondea Mam-
 [bræ

Armentale senis protexit culmen, in ista
 Risit Sarra casa, sobolis sibi gaudia sera
 Ferri, et decrepitem sic credere posse maritum.

MONUMENTUM SARÆ.

Abraham mercatur agrum, quo conderet ossa
 Conjugis, in terris quoniam peregrina moratur
 Justitia atque fides : hoc illud millibus emptum
 Spelæum, sanctæ requies ubi parta favillæ est.

SOMNIUM PHARAONIS.

Bis septem spicæ, vaccæ totidem, Pharaoni
 Per somnum visæ; portendunt dispare forma
 Uheris, atque famis duo per septennia tempus
 Instare, hoc solvit patriarcha, interprete Christo.

JOSEPH A FRATRIBUS AGNITUS.

Venditus insidiis fratrum puer ipse vicissim
 Cratera in fratris sacco clam præcipit abdi
 Utque reos furti Joseph tenet, auctio fallax
 Proditur, agnoscunt fratrem, vanique pudescunt.

IGNIS IN RUBO.

Sentibus involitans Deus igneus ore eorusco

B Compellat juvenem, pecoris tunc forte magistrum
 Ille capit jussus virgam, fit vipera virga,
 Solvit vincla pedum, properat Pharaonis ad arcam,

ITER PER MARE.

Tutus agit vir justus iter, vel per mare magnum,
 Ecce Dei famulis scissim, freta Rubra dehiscunt,
 Cum peccatores rabidos eadem freta mergant,
 Obruitur Pharao, patuit via libera Mosi.

MOSES ACCIPIT LEGEM.

Fumat montis apex divinis ignibus, in quo
 Scripta decem verbis saxorum pagina Mosi
 Traditur, ille suos suscepta lege revisit,
 Forma sed his vituli solus Deus, et Deus aurum.

MANNA ET COTURNICES.

Panibus angelicis albet tentoria patrum,
 C Certa fides facti, tenet urceus aureus exin
 Servatum manna : ingratis venit altera nubes,
 Atque avidos carnis saturat congesta coturnis.

SERPENS ÆNEUS IN EREMO.

Fervebat via sicca eremi serpentibus atris,
 Jamque venenati per livida vulnera morsus
 Carpebant populum, sed prudens ære politum
 Dux cruce suspendit, qui virus temperet anguem.

LACUS DESERTI AMARUS.

Aspera gustata populo sitiente lacuna
 Tristificos latices stagnanti felle tenebat ;
 Moses sanctus ait : Lignum date, gurgitem in istum
 Conjicite, in dulces vententur amara sapes.

FONTES DUODECIM ET PALMÆ SEPTUAGINTA.

Devenere viri, Mosi duce, sex ubi fontes,
 D Et sex forte alii, vitreo de rore rigabant,
 Septenas decies palmas, quæ mysticus Helym
 Lucus, apostolicum numerum libris quoque pinxit.

LAPIDES DUODECIM IN JORDANE.

In fontem refluxo Jordanis gurgite fertur,
 Dum calcanda Dei populis vada sicca relinquit,
 Testes bissen lapides, quos flumine in ipso
 Constituere patres, ad formam discipulorum.

DOMUS RAAB.

Procubuit Hierico, sola astant atria Raab,